

## Útkomið í A-deild Stjórnartíðindanna 1913.

*Lög um ábyrgðarfjelög*, undirskrifuð af konungi 22. nóvember 1913.

*Siglingalög*, undirskrifuð af konungi s. d.

*Lög um sjóðóma og rjettarfar í sjómálum*, undirskrifuð af konungi s. d.

*Lög um vatnsveitingar*, undirskrifuð af konungi s. d.

*Girðingalög*, undirskrifuð af konungi s. d.

*Lög um hvalveidamenn*, undirskrifuð af konungi s. d.

### Brjef stjórnarráðsins til biskups um breyting á sóknaskipun í Kolfreyjustaðar- 115 prestakalli. 24. nóv.

Eftir ósk hlutaðeigandi sóknarnefndar og ályktun hjeradsfundarins í Suður-Múlaprófastsdæmi, skal stjórnarráðið samkvæmt meðmælum yðar, háæruverðugi herra, í brjefi, dags. 14. þ. m., og með skirskotun til 4. gr. í lögum nr. 45, 16. nóvbr. 1907, um skipun prestakalla, hjermeð veita leyfi til þess, að núverandi Kolfreyjustaðarsókn skiftist í 2 sóknir, Kolfreyjustaðarsókn og Búðasókn, með þessum nánari ákvæðum:

1. Að Búðasókn nái frá Kappeyri (Gilsá) og að Eyri (Selá), en að Kolfreyjustaðarsókn sje hinn hluti prestakallsins.
2. Að Kolfreyjustaðarkirkja láti af hendi þann hluta sjóðs hennar til hinnar fyrirhuguðu Búðakirkju, sem eftir verður, þegar búið er að taka af honum þá upphæð, sem samsvarar þeim kostnaði við kirkjuna, sem samþykktur var á safnaðarfundi 2. júní 1912.
3. Að sóknarskiftingin teljist frá síðastliðnum fardögum, að því er greiðslu kirkjugjaldsins snertir.
4. Að hin nýja Búðasókn hafi komið sjer upp kirkjuhúsi fyrir árslok 1914. Þetta er yður hjermeð til vitundar gefið til leiðbeiningar og frekari

birtingar.

### Brjef stjórnarráðsins til sýslumannsins í Eyjafjarðarsýslu um endurveitingu 116 á hlunnindum fyrir Sparisjóð Glæsibæjarhrepps. 28. nóv.

Útaf beiðni, sem hingað hefir borist frá forstöðunefnd Sparisjóðs Glæsibæjarhrepps, vill stjórnarráðið hjermeð veita nefndum sparisjóði um næstu 5 ár frá 1. janúar 1914 að telja, hlunnindi þau, sem ræðir um í tilskipun 5. janúar 1874, um hlunnindi nokkur fyrir sparisjóði á Íslandi, með þeim skilyrðum, að eigi rýrni trygging, sem nú er fyrir því, að sjóðurinn standi í skilum, að ákvæðanna um

**116** reikningsskil í lögum sjóðsins sje nákvæmlega gætt, og að forstöðunefnd sjóðsins  
28. nóv. sendi hingað á ári hverju eftirrit af ársreikningi hans í fyrirskipuðu formi. Svo ber og að senda hingað skýrslu um hverja þá breytingu, sem verða kann á lögum sjóðsins.

Þetta er yður, herra sýslumaður, til vitundar gefið til birtingar fyrir forstöðunefnd sjóðsins.

**117** Brjef stjórnarráðsins til sýslumannsins í Skaftafellssýslu um flutning  
29. nóv. þingstaðar.

Samkvæmt tillögum yðar, herra sýslumaður, í brjefi, dags. 27. f. m., og beiðni hreppsnefndarinnar í Bæjarhreppi, veitir stjórnarráðið hjermeð samþykki sitt til þess, að þingstaður umgetins hrepps sje fluttur frá Bæ að Bygðarholti, með því skilyrði, að hreppsnefndin annist um, að til verði á hinum nýja þingstað hæfilegt hús til þinghaldanna.

Þetta er yður til vitundar gefið til leiðbeiningar og til frekari birtingar.

**118**  
25. nóv.

## Reglugjörð

**um breyting á reglugjörð 20. desember 1910, um niðurjöfnun og innheimtu vatnsskatts í Reykjavíkurborg.**

Næstsidasta málsgrein 2. gr. framannefndrar reglugjörðar orðist svo:

Auk gjalds þessa greiðir húseigandi 2 kr. árlega fyrir hvert vatnssalerni, sem í húsinu er, og 4 kr. fyrir hvern hana utanhúss.

Reglugjörð þessi, sem bæjarstjórn Reykjavíkur hefir samið, staðfestist hjermeð, samkvæmt lögum 22. nóv. 1907, um vatnsveitu fyrir Reykjavík, til þess að öðlast gildi 1. janúar 1914.

Þetta birtist til eftirbreytni öllum þeim, sem hlut eiga að máli.

**Í stjórnarráði Íslands, 25. nóvember 1913.**

Í fjarveru ráðherra.

**Kl. Jónsson.**

Jón Hermannsson.